



**Sámi allaskuvla**  
Sámi University of Applied Sciences

OAHPPOPROGRAMMAPLÁNA

# **DUOJI JA HÁBMEMA BACHELOR**

180 oahppočuoggá

## 1. PROGRÁMMA NAMMA JA GRÁDANAMAHUS

Prográmma namma:

|                 |   |
|-----------------|---|
| Sámegillii:     | Duoji ja hábmema bachelorprográmma  |
| Dárogillii:     | Bachelorprogram i duodji og design  |
| Eaŋgalasgillii: | Bachelor programme of Duodji and Design (Sámi Traditional and Applied Arts) |

Grádanamahus:

|                 |   |
|-----------------|---|
| Sámegillii:     | Duoji ja hábmema bachelor   |
| Dárogillii:     | Bachelor i duodji og design                                       |
| Eaŋgalasgillii: | Bachelor of Duodji and Design (Sámi Traditional and Applied Arts) |

## 2. OAHPPOPROGRÁMMA VIIDODAT

Bachelorprográmma viidodat lea 180 oahppočuoggá ja normerejuvvon oahppoáigi lea golbma jagi.

## 3. SISABEASSANGÁIBÁDUSAT

- Dábálaš sisabeassangáibádusat alitoahpahussii. Sisabeassanvuodđu sáhtta leat juogo oppalaš lohkaŋgelbbolašvuohta (čadahan joatkkaskuvlla/logahaga/gymnása) dahje reálagelbbolašvuohta. Oppalaš lohkaŋgelbbolašvuođa gáibádusat olgoriikkaohcciide bohtet ovdan NOKUTA GSU-listtus. Go oahppu lágiduvvo sámegillii, de olgoriikkaohcciide ii gusto dárogielagáibádus, vrd. Forskrift om opptak til høgare utdanning § 2-2 (6).
- Sámeielmáhttu.
- Duodje-, dáidda- dahje hábmengelbbolašvuohta

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladuttkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámeigiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Duodje-, dáidda- dahje hábmengelbbolašvuođa gáibádusa sáhtta duodaštit čuovvovaš vugiid mielde: Norgga joatkkaskuvllas čadahan duodje-, dáidda- dahje hábmenoahpu, Suomas duodje-, dáidda- dahje hábmensuorggi artesánaohpu, Ruota gymnásas čadahan estehtalaš- dahje sámeprográmma. Duodje-, dáidda- dahje hábmengelbbolašvuođa sáhtta maiddái deavdit jus lea maŋnel joatkkaskuvlla čadahan unnimusat jagi duodje-, dáidda- dahje hábmensuorggi oahpu ámmátskuvllas dahje fágaskuvllas, dahje universitehta- ja allaskuvladásis čadahan unnimusat 15 oahppočuoggá duodje-, dáidda- dahje hábmensuorggi oahpu.

Jus ohccis ii leat formála gelbbolašvuohta fágasuorggis, de sáhtta ohcci maiddái duodaštit duodje-, dáidda- dahje hábmenfágalaš gelbbolašvuođa iežas bargguid bokte. Dasto galgá juogo sáddet sisa ja oažžut dohkkehuvvot:

- Govaid unnimusat viđa duojis, dahje
- 2-3 duodje-, hábmen dahje dáiddalaš proseavttain, mat čujuhit kreatiivvalaš proseassaide, ovdamearkka dihtii portfolio

Dárbbu mielde ovddiduvvo gelbbolašvuođa meroštallan fágalaš árvoštallamii ja meannuduvvo dán vuodul. Sáhtta nai čadahuvvot ságastallan duodjegelbbolašvuođa árvoštallama doarjjan.

#### **4. OAHPAHUSGIELLA**

Váldo oahpahusgiella lea davvisámegiella. DUO-1003 Knowledge of Indigenous Cultural Expressions and Arts oahppu lágiduvvo dábálaččat eanjalasgillii, ja čálalaš bargguid dán oahpus sáhtta buktit eanjalasgillii dahje sámegillii. Jus oassi logaldallamiin lea eará sámegielaide, dáro- dahje ruohtagillii, de dat dulkojuvvo dárbbu mielde. Logaldallamat eanjalasgillii eai dulkojuvvo. Eará sámegielat studeanttaide geahččalit láhčit dili nu ahte sii sáhttet čállit bargguid ja oažžut oasi bagadallamis iežaset sámegillii.

#### **5. OAHPU OPPALAŠ SISDOALLU**

Bachelorprográmmas lea vuolggasadji duddjon-, ja hábmenvugiin, estehtalaš vásáhusain ja teorehtalaš reflekšuvnnain. Bachelorprográmma deattuha duodjefágalaš čuolmmaid ja čovdosiid mat dorjot bistevasvuođa. Studeanttat sáhttet eanaš oahpuin iežaset beroštumi mielde välljet dipma- dahje garraduoji suorggi.

Oahppu addá vuodđodieđuid sámi ja eará álgoálbmogiid duodje- ja dáiddadieđus. Oahppu deattuha duodje- ja hábmenproseassaid main studeantta dovddiida duodjái, ja mas beassá ovdánahttit iežas duodjebuktaga ja ámmátlaš hálddašeami. Duddjon, reflekšuvdna, vásáhusat, duodje- ja dáiddalaš čehppodat ja buktagat deattuhuvvojit, ja teorehtalaš ákkastallamat ja jurddašeami galget doarjut duddjon- ja hábmen bargguid. Oahppu addá studeanttaide hárváneami geavahit sámegiela go galget buktit ovdan iežaset vásáhusaid duddjomis, ja go galget dieđalaččat ákkastallat bargguid.

#### **6. OAHPPANJOKSOSAT**

Manjel čadahuvvon oahpu lea kandidáhtta olahan čuovvovaš oahppanjoksosiid:

*Diehtu:*

Kandidáhtta

- lea háhkan dieđuid ja máhtuid duodjefága guovddášfáttáid, čuolmmaid, proseassaid, ávdnasiid ja bargovugiid birra
- dovda iešguđet duodjeárbevieruid ja iešvuođaid

- dovdá dutkan- ja ovdánahttinbargguid
- lea háhkan dieđuid duodjehámiin ja dujiin iešguđet guovllus Sámis
- diehtá mo gaskkustit duoji ja iežas duodjemuitalusa sámi, eará eamiálbmot – ja stuorát servodahkii
- dovdá eará eamiálbmogiid duoji ja hábmema árbevieruid
- ádde fitnodat/ealáhus jurddašeami
- dovdá bastevašvuoda vuodđojurddašeami duddjonovdánahhtimiin

#### *Máhttu:*

##### Kandidáhtta

- máhtta plánet ja čadahit bargguid ja proševttaid iešguđet geahčastagas
- máhtta ohcat, árvoštallat ja čujuhit dieđuide ja gállduide fágalaš čuoimmaid čoavddedettiin
- hálldaša duddjon- ja hábmenvugiid
- máhtta čilget fágalaš válljemiid
- máhtta geavahit relevánta fágalaš reaiduid, ávdnasiid ja teknikaid
- máhtta čadahit ja dokumenteret bargoproseassa álgoideas gitta loahppabohtosii

#### *Oppalaš gelbbolašvuohhta:*

##### Kandidáhtta

- hálldaša iešguđetlágan hutkás lahkonaanvugiid dujiid ovdánahttedettiin
- máhtta kritihkalaččat reflekteret iežas ja earáid duddjoma ja hábmema, ja čatnat dan servodatlaš oktavuhtii ja čujuhit relevánta teorijaiide
- dovdá áigeovuodilis duddjon- ja hábmenfágalaš ovdánahttinbargguid ja máhtta atnit daid ávkin iežas duddjomis/hábmemis
- máhtta juogadit ideaid ja vásáhusaid earáiguin iežas fágasuorggis
- máhtta geavahit digitála veahkkeneavvuid hábmemis, duddjomis ja gaskkusteamis
- máhtta jurddašit bastevašvuoda fágasuorggis
- máhtta njálmmálaččat ja čálalaččat gaskkustit duddjon- ja hábmenfágalaš čuoimmaid iešguđetlágan birrasiidda

## **7. PROGRÁMMAHUKSEHUS**

Duoji ja hábmema bachelorprográmma lea oktiibuot 180 oahppočuoggá ja sisttisoallá:

- 30 oč geatnegahtton oktasaš vuodđooahpuid: OKT 101, OKT 102 DUO-1001
- 60 oč geatnegahtton fágaoahpuid: DUO-1002, DUO-1003, DUO-1003, DUO-1005
- 30 oč geatnegahtton čiekŋudanoahpuid: DUO-2001, DUO-2010
- 60 oč doarjjafágaid maid studeanta ieš vállje eavttuin ahte leat relevánttat ohppui ja dohkkehuvvojit doarjjafágan oahppoprográmmii.

Doarjjafáгат sáhtta leat oahppu mas lea bargohárjehallan oassin. Dat sáhttet nai leat ovdamearkka dihte duodje- dahje eará estehtalaš fágat, giellafáгат, servodatdieđalaš fágat dahje eará heivvolaš fágaid maid Sámi allaskuvla dohkkeha doarjjafáган. Doarjjafágaid sáhtta váldit

maiddá eará oahppoásahusain, omd. olgoriikkas studeantalonohallama áigge. Gaskkohagaid fálljuvvojit lulli- ja julevsámegiela ja eangalsgiela oahput.

| 1. lohkanbadji  | 2. lohkanbadji   | 3. lohkanbadji   | 4. lohkanbadji  | 5. lohkanbadji  | 6. lohkanbadji  |
|---|--|--|---|---|---|
| OKT 101<br>Eamiálmot<br>filosofii, 10<br>oč                 | DUO-1002<br>Bistevaš<br>design, 15 oč  | DUO-1004<br>Árbevirolaš<br>duoji<br>bajásdoallan<br>ja<br>ealáskahttin,<br>15 oč | DUO-2001<br>Duodji ja<br>ovdánahttin<br>1, 15 oč                                      | Doarjjafágat<br>dahje<br><br>olgoriika-<br>lonohallan,<br><br>30 oč | DUO-2010<br>Duoji ja<br>hábmema<br>bachelorbarg<br>u, 15 oč |
| OKT 102<br>Dieđalaš<br>čállin ja<br>guorahallan,<br>10 oč   |  |  |   |   |   |
| DUO-1001<br>Duddjoma ja<br>hábmema<br>bargovuogit,<br>10 oč | DUO-1003<br>Knowledge<br>of<br>Indigenous<br>Cultural<br>Expressions<br>and Arts, 15<br>oč | DUO-1005<br>Plánen,<br>hutkáivuoha<br>ja duddjon,<br>15 oč                       | Doarjjafága,<br>15 oč<br><br>Omd.<br>DUO-2002<br>Duodji ja<br>ovdánahttin<br>2, 15 oč |   | Doarjjafága,<br>15 oč                                       |

## 8. OAHPAHAN JA OAHPPANVUOGIT

Bachelorgráda oahpu čadaheamis deattuhuvvo iešheanalášvuoha ja mielváikkuheapmi. Oahppan lágiduvvo studeantačoahkkanavahkuid, oahppomátkkiid, bagadallamiid ja daid gaskka neahttagulahallama bokte. Guđege oahppoovttadaga oahppoplánas leat dieđut fágaid oahppanvuogiin. Studeanttat sáhttet eanaš oahpuin (áigeguovdil earenoamážit DUO-1001, DUO-1004, DUO-1005, DUO-2001 ja DUO-2002 oahpuin) iežaset beroštumi mielde válljet dipmadahje garraduoji suorggi. Oahpuin leat oktasaš logaldallan ja bagadallandiimmut. Studeanttat galget čadahit suodjaluskurssa ovdal go geavahišgohtet duodjelanjaid ja rusttegiid.

## 9. ÁRVVOŠTALLANVUOGIT

Árvvoštallanvuogit bohtet ovdan prográmma iešguđet oahppoovttadagaid oahppoplánain.

## 10. BARGO- JA JOATKKAOAHPPOVEJOLAŠVUOĐAT

Bachelorgráda addá vuodđogelbbolašvuođa álgit Duoji masterii. Bachelorgráda addá vuođu bargat ásahusain main duodji, dáidda dahje hábmen lea guovddážis, e. e. museain, kulturskuvllain, ja teáhteriin, dahje jodihit iežas duodje- dahje dáiddafitnodaga. Oahppu addá gelbbolašvuođa ovdanbuktit sámi duodjeealáhussii guoski dieđuid, máhtuid ja bargovugiid obalohkáii. Praktihkalaš pedagogalaš oahppu (PPO) lasseoahppun bajida oahpahangelbbolašvuođa duojis dahje hábmemis vuodđoskuvllas, joatkkaskuvllas ja bajit dási oahpahusas.

## 11. EARÁ DIEĐUT

### *Olgoriikalonohallan:*

Lea vejolaš čadahit oasi oahpus sihke olgoriikkain ja eará alitoahppoásahusain Norggas. Studeanttat geat háliidit vuolgit lonohallamii, ávžžuhuvvojit dan dahkat 5. lohkanbajis, mii lea várrejuvvon doarjjafágaide.

### *Kvalitehtasihkarastin:*

Čujuhuvvo Sámi allaskuvlla kvalitehtasihkarastinvuogádahkii ja dasa makkár vejolašvuođat ja geatnegasvuođat studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.